

令示

內務部批中華民國國民回族馬德甫金峙生等組織回民聯合會稟

請立案呈

呈及簡章均悉此次推翻帝制改造民國原合漢滿蒙回藏之土地人民爲立國之第一要素則五大民族所享之權利所負之責任自應一視同仁無偏無黨庶能鞏固民國之邦基遵行共和之主旨該回民組織聯合會以維持宗教聯絡聲氣爲目的以組織團體不背馳共和爲宗旨并擬於本會成立以後設學堂興實業保護禁治產各事本部均極贊成惟查回族之入中國始於唐時爲數有限乃因宗教流傳之故而中土之民有其宗祖崇拜斯教而其子孫亦自安於回族者矣有其父兄崇拜斯教而其子弟亦自認爲回族者矣相沿至今回教以日播而日寬回族遂日聚而日盛約而言之回族之蕃滋因於回教回教之範圍不止回民故回族始有今日之發達也往者吾國留學日本之回教中人會組織新報推闡斯旨該回民當共喻之今該呈於聯合會仍標以回民名稱未免失實且取義流於拘偏足以阻害回族之發達不如用宗教名義改稱回教聯合會尙屬穩

(0373)

慨而正大也蓋信教自由爲中外憲法所共許而又不背馳共和本旨豈僅免以上數失也哉仰該回民等即行遵覆一俟准予立案後速即組織成立并仰體斯意努力進行廣揚教旨於共和國實有裨益本部有厚望焉此批

內務部批元甯自治公所等請另委南京府知事呈

頃奉大總統令開茲有江甯自治公所等呈請另行遴選南京府知事公文一件應歸該部核辦等因奉此查處士純盜虛聲久爲世所詬病故用人之道核實遠勝循名古來奇士英賢往往伏處草茅研求治理既不爲世用自不爲世知一旦得時則駕畀以政權鮮不爲世所驚疑訾議交集者及觀其從容敷布井井有條始知其操之有素儼然黃霸龔遂一流人物徵諸中外歷史數見不鮮况值滿清政府時代在消極者憤專制之淫威逍遙山澤在積極者謀恢復之義舉困頓風塵不惟避世潛踪而且埋名隱姓此中國多經世才也信如諸君子所論是循名而不核實則有實無名之才皆爲世所屏棄而沽名釣譽之輩反爲世所歡迎由是類推恐改革之事業仍有虛名而無實效也至情形未熟一層尤爲過慮凡地方人情風俗及關於行政上種種事項一經切實調查何難陸續熟悉

現該知事已與地方公正紳士隨時接洽則於甯垣情形尤易瞭然且知事一職雖係執行機關既受本部之直轄本部又准組織臨時政府議會以爲議決機關苟措施不當於輿論有乖可立即匡其不逮總之南京爲首善之區又值兵燹之後百廢待舉頭緒紛繁本部薦任斯職時業已再三審慎諸君子宜觀其後勿庸多疑所請另委之處應勿庸議此批

教育部批上海書業商會請將舊存教科圖書修正應用呈

據呈已悉所陳自係實情現距開學日期已迫所有教科書除清學部所編一體禁用外其民間通行之本准由各學堂依據二月十九日本部通令第七項之主旨自行修改以應急需至各書局已經修改之本如因重印不及亦准先行多刊校勘記除隨書附送外並備各處索取俾可照改以免曠誤開學日期此係維持學務體恤商艱一時通融之辦法該書業等仍應將各教科書趕速修正或另行編輯期合共和民國之宗旨此批

內務部批僧人謝楞伽等發起佛教大同會稟請立案呈

據稟已悉該僧等聯合僧衆發起佛教大同會意在維持宗教昌明佛理廣行慈善提倡

公益深合我佛慈悲本悃本部極爲嘉許至所稱酌提廟捐一節須出自該寺僧衆情願不可稍涉強迫致生事端現值軍務繁興秩序未全恢復務須認定共和主義合謀公益方於社會有裨除由本部准予立案外速將該會組織詳章呈部以憑派員蒞會監查一切可也此批

內務部批僧人敬安稟請中華佛教總會立案呈

稟悉前據僧人謝楞伽等稟請設立佛教大同會業經本部批准在案茲閱來稟擬聯絡全體僧界及蒙藏喇嘛等組織中華佛教總會亦以昌明佛學提倡教育慈善等事爲宗旨大意與大同會宗旨相同而所訂章程尤爲詳慎周密具見我佛如來範圍廣大沐其教澤者類能熱心公益闡發宗風以輔助政化之進行實堪嘉尙除後附捐輸簡章已由陸軍部核辦外自應准予立案惟是教統一宗法歸不二萬不能各判町畦顯分人我開後來爭奪之風爲我佛法普及一大魔障應由大同總會兩方面照章召集僧界會員公舉道行高深品端學粹之人爲該會會長俾得同心共濟一致進行不可滋生事端徒自紛擾本部有厚望焉此批

教育部批江浙兩省僧界代表敬安等稟請創立中華佛教總會呈

據稟已悉敬安等創設中華佛教總會意在昌明佛教事屬可行惟發起者僅江浙兩省尚不足以代表全國必須聯合各省僧界組織完全團體方與總會名義相符至捐輸軍餉一節應候陸軍部批示遵行此批

教育部批管理江南圖書館江蘇通志局林朝圻稟請委任調查滿清時員司經管案卷簿據呈

據稟已悉查該館局係省有性質非國有性質應由江蘇都督辦理仰自行具稟江蘇都督可也

教育部批民國法政大學校長楊年請立案呈

據呈已悉現在專門學校令尚未頒布該校所呈規則能否與令不悖無從預斷所請立案一節應暫緩議此批

紀事

交通部令周璠點收津浦南段購地局銀錢卷宗文

照得本部成立以後凡從前滿清官辦鐵路均應切實清查以資整頓茲查有津浦南段前清所委購地局委員汪樹堂當民軍起義之時攜帶局款避匿上海迨本部成立至今亦無一紙報告迹近圖吞殊堪痛恨今特遴派該員周璠親往上海責令汪樹堂迅將經手津浦南段購地局之銀錢賬目卷宗等件一併點交該員賈解本部以憑核辦汪樹堂如有藉居租界故意違抗等情應准該員呈請滬軍都督咨提究辦以重路政除咨滬軍都督外合卽令知該員卽日前往妥善辦理毋稍徇縱此令

內務部令辛漢充南京圖書館局長文

爲令知事圖書通志文化攸關自應認真管理剔清宿弊現本部擬將江蘇通志局及江甯圖書館併爲一局改稱南京圖書館委該員爲局長仰卽赴局接替以專責成而便整理除令管理江甯圖書館及江蘇通志局之林朝圻移交外合行令知此令

司法部呈報啟用印信文

爲呈報事本部於元月十二日奉到鈞處頒給印信一顆遵於卽日敬謹啓用爲此呈報鈞案仰祈察核施行須至呈者

內務部電常州民政長保護天甯寺并飭僧人不准以武力自衛文

常州民政長屠鑒案據陸軍部咨開常州民政長屠電稱僧太虛以武力強佔金山行爲不法勢將侵入常州天甯寺請准該寺以武力自衛等因前來實堪駭異查信教自由各寺原有舊規豈容該僧等無端侵佔貴民政長有維持公安責任決不可任該寺以武力自衛致生事端除本部另電鎮江民政長查明辦理外仰貴民政長立即設法妥爲保護可也內務部刪

內務部電鎮江民政長查僧太虛有無強佔金山寺文

鎮江民政長鑒頃據陸軍部咨開常州民政長屠電稱僧太虛以武力強佔金山勢將侵入常州天甯寺等因前來實堪駭異仰貴民政長查明僧太虛有無強佔金山情形希即覆部以憑核辦內務部刪



臨時政府公報 附錄

中華民國元年二月二十一日星期三
隨報附出 不另徵費

萬急北京蒙古聯合會蒙古王公鑒電悉帝制已除合五大民族爲中華民國幸福無涯中外同慶來電荐舉袁慰庭君徵執事等言文豈忘其夙約因今日始得接清帝遜位之詳電當卽報告參議院提出辭表並推荐袁君之功能衆俱信服文之推讓非祇尙賢亦以爲國區區此意凡我國民當共鑒之專復孫文叩

(南京去電)

萬急西安陝西都督張鳳翔鑒清帝已經退位南北一致今日袁慰庭君來電云請電知陝西移軍西向專防升允北軍退出潼關決不西進謹留隊伍防堵土匪餘均開回北方防堵奉聞特此通知宜相機防戰爲盼總統孫文

(南京去電)

奉天張總營務處廣水陳統制張家口何統制北京馮軍統天津張軍門徐州張軍門顧州倪先生北京姜軍門轉各路將士鑒清帝辭位由專制變爲共和實項城維持之力更諸將士贊助之功四萬萬受福無窮深堪嘉佩從此南北一家同心協力竟破壞之功

建設之緒鞏我共和國之前途增我五族人民之樂利所仰望於諸將士者尤非淺鮮
專此電賀並盼教言孫文叩刪

(南京去電)

萬急北京袁慰庭先生鑒真電及唐轉來真電具悉清帝辭位執事宣言贊成共和國
從此大定不勝忻慶蓋全國人民之幸福也現即報告參議院提出辭表推荐執事至共
和政府不能田清帝委任組織若果行之恐生莫大枝節執事明於理勢當必知此請即
速來甯以副衆望如慮一時北方無人維持秩序當可由執事舉人電知臨時政府畀以
鎮守北方全權謹佈候覆併表歡迎之至意孫文

(南京去電)

萬急北京袁慰庭先生鑒今日文偕各部總次長到參議院辭職已得承諾以新總統接
事爲解職期同時文推荐執事爲臨時大總統明日二時參議院開選舉會先此電聞秩
庸少川已到甯孫文叩鹽

(南京去電)

萬急武昌黎副總統各省都督鑒清帝退位民國統一文以革命之目的已達當受職之
始曾有誓言幸可以踐此後建設之事當讓熟有政治經驗之人袁公慰庭委曲求全終
達吾人和平之目的其功莫大清帝既退袁公宣布政見絕對贊成共和文是以推荐於

參議院參議院既承認文之辭職今日二時行正式選舉舉袁公爲臨時大總統臨時政府地點仍定南京以袁公到南京接事日爲文解職之期現已派專使迎袁南來以爲我國民服務特此電聞孫文

(南京去電)

萬急上海漢口路財政部辦事所陳錦濤君鑒鑿電悉清帝退位民國大定新選總統係承受現在南京臨時政府之事凡民國現行財政事宜如公債外債中國銀行之創辦及一切財政之已經施行者當然繼續有效絕無疑問可由財政部宣布總統孫文

(南京去電)

萬急上海陳都督其美鑒粵督刪電用意專在反對臨時政府設於北京今參議院既決定仍在南京之議則粵督疑慮可釋矣此復總統府鈞

(南京去電)

萬急廣西陸都督榮廷鑒電悉十五日參議院於本總統及內閣總理解職後卽選定袁世凱爲臨時大總統仍以南京爲臨時政府地點須袁親來接任而舊政府始能解職若將來之大總統及國都則須俟民選議院成立及舉行全國大選舉乃可決定今仍號以臨時名義於臨時大綱未嘗不合也總統孫文篠

(南京去電)

北京袁大總統鑒 據烟台藍天蔚都督來電奉天馮麟閣率步騎千三百餘炮十門圍攻莊河等因請速命趙督撤兵以息戰端至要孫文篠

(南京去電)

萬急上海陳都督其美鑒現在清帝退位民國統一上海爲江南要區非有大將鎮守不能維持一切據各地紛紛來電咸以公爲民國長城關繫全局力請挽留人心如此公不可告退尙望勉爲其難勿懷退志總統孫文篠

(南京去電)

大總統議和總代表各省都督鑒此間接汪精衛文電以退位之清帝比擬居留內域之外國君主謂與虛君位風馬牛不相及惡是何言廢帝不出北京禁衛軍實際仍存而將來之共和政府以何如人組織尙在未知之數此中危象婦孺皆知中央以何憑恃冒此險實所不解現察南省民心嚮共和然北人尊君之念一時尙難消滅加以禁衛軍暫不遣散陰謀潛伏防不勝防萬一有不滿足於民國之徒串通禁衛軍隊尋隙竊發則今日民國明日君主直一反掌事爾時仍須興師再申天討計不若現時善其條件免貽民國後患夫清帝退位豈不值優待第優待則可假以釀亂之階則不可矧明所爭專在事是若中央仍主張前訂條件則請先以中央政府究竟所在地組織中央政府之人物及

禁衛軍之安置方法三者明白宣布始能釋人疑慮鄙意以爲若中央政府決在南京則廢帝而居北京亦可只宜設一統兵大員以兵隊保護其生命財產從前之禁衛軍編作他用倘中央政府移往北京與廢帝同地則組織中央政府人物非向奉共和主義全國人民所共信者不可倘中央政府在北京而所組織政府之人所未敢深信之輩則廢帝宜退居熱河而北京一帶宜用有力革命軍守衛計非如此必不足鞏固民國今中央政府主見及辦法均未宣布遽欲憑此條件議和粵省（決不承認）諸公以爲何如深望示覆炯明鹽印

（廣州來電）

急急孫大總統袁大總統陸軍部長黃各都督各司令各省督撫各咨議局各報館均鑒頃得蘇州莊都督來電建都應在北京並江北蔣都督引伸其說建都宜在邊境故俄由莫斯科遷於聖彼得堡日由西京遷於東京等論岳等竊以爲不然蓋建都北京其害有三一人心之趨向一如舊日二中原幅員廣大偏處一隅則尾大不掉三對於滿族之膠葛永無斷絕據以上三害觀之恐難以日俄遷都之取積極政略者可比尙望諸公審察焉聯軍總司令孫岳參謀長李肅揚軍旅長米占元鎮軍團長臧在新甯軍團長謝時叩

萬急南京大總統參議院武昌黎副總統各省都督各路司令官均鑒總統通電敬悉清帝既已退位南北自應統一孫總統因愛平和功成身退拿破崙華盛頓之勳業無以逾此袁公世凱既係實意贊成共和舉任總統自能勝任參議院本無選舉總統之權爲大局平和起見委曲求全亦不再加責備但國都地點現在必定南京袁公未到之前孫公萬萬不可退位仍望示覆桂都督陸榮廷叩十七號

(桂林來電)

大總統孫財政部陳外交部王公鑒接上海籌辦皖省工振處電稱近由華洋義振會借款百萬興辦堤工請電懇玉成等語皖省江堤潰決無力興修轉瞬春水發生沈溺更不堪設想此次借款關係數百萬生命數百萬田廬務懇速賜成全務使大工克舉無任盼禱乞復孫總統鈞侵

(皖省來電)

中央政府內務部鈞鑒接奉齊電內開山陽各團體爲姚榮澤辦理周桂生阮式一案公電總統未曾簽名遽加妄報令速將山陽各團體名義詳細查復以憑核奪等因奉此當即派員往查茲據覆稱前次公電係山陽團練局商會教育會議事會自治所各團體丁靖丁迺嘉沈昌駿何福震秦保愚潘際炎顧震何福恒沈有壬郝嗣隆單淮喬西琴鄭道

誠陳佑民丁蔭棣陳寶森張頌城王道隆顧治亭陳國文丁萬鑒湯鼎勳陳澧彥何壬楨
丁步程何福均范丙堯及士商等共九十人今又據各團體列名具稟前來實無被人煽
惑唆使情事理合據實電復以備查考江北蔣雁行叩鹽

(清江浦來電)

孫大總統黎副總統鑒債票署名式樣前經分別電呈請速頒發刻下票已印就務請速
領署名式樣以便刊用而速募集盼甚錦濤銑印

(上海來電)

孫大總統鈞鑒鄂省沙市宜昌江漢三關年收稅款三四百萬兩雖由漢黃德荆宜兩道
監督而徵收皆假手外人自鄂省起義所有關稅銀兩均歸外人掌握毫未繳出查三關
稅款內向認有外人賠款若干萬兩此由民清戰爭尙未結局外人留此款以爲洋款地
步亦屬情有可原惟稅關主權我國所固有外人祇有經手徵收權利並無管理款項權
況此項稅款抵還洋債外爲數尙鉅竟聽外人掌管既失權利復損國體前經電請辦理
未奉復示茲又接蜀軍政府來電商問重慶關稅辦法情形與鄂一轍鄂亦無從答復此
事已否交涉究應如何辦理統希電知禱切盼切元洪叩陽

(武昌來電)

大總統均鑒南北聯合協建共和宇宙昇平端在指顧皆我公數十年惨淡經營締造而

後有此善果也惟組織建設萬緒千端一政之成非財不辦欲立根本之圖宜先注重實業但農工路鑛一蹴可登實難就已有之規模汰相沿之弊藪收效速成功鉅者厥爲振興鹽政至應如何改良煎曬支配引地應如何就場征税而後商艱可恤應如何由官專賣而後民食無虞宜先於南京設立改良鹽政總研究所延攬通才征集如有鹽法誌以及私家著述調查習慣悉心考求安定辦法先從兩江試辦果然美備再將兩廣川直閩浙繼續推行蓋鹽利統一乃根本要圖況值民國肇興百廢待舉尤當務之急翌武等才識短淺獻曝情殷冒昧貢忱尙乞原宥公推代表馳請訓示如蒙俯允祈賜覆湖北總監察處傳知翌武等卽趨左右恭候諮詢再楊君蟄庵張君季直素嫻鹽政著有成書夙所欽仰諒表同情若兩君能出而提倡之一切歡迎鹽務發起人蔣翌武王小芹李華漢楊森藻曹志祖蔡翌唐陳炳煥龍璋粟戡時謝錫朋黃振聲李世清楊大鵬薛祈齡葛子濤熊焱華葛慶蕙孫鎮西葛屏藩熊謙吉劉孔隈由鄂軍務部同叩

(武昌來電)

本報暫定則例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰令示曰紀事曰電報曰抄譯外報曰雜報
其子目見前

四 本報日出一册如遇國家紀念日星期日政府停止辦公時本報亦休
刊一日

五 政府對於各地所發令示或宣布法律凡載登本報者公文未到以本
報到後爲有效

六 凡各官署皆有購閱本報之義務唯具印文請領者皆照定價五折徵
納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

蘇州城內因果巷四十一號許宅

上海

民立報
大共和報

時報

申報

新聞報

天鐸報

時事新報

啓民愛國報

神州報

中外日報

上海寶善街公順里仁和號

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠

總統府印鑄局工廠開工廣告

本局昨奉

大總統命令已將南洋印刷工廠收歸印鑄局管理故定名曰印鑄局工廠茲已將貨料購製完備定於初五日開工所有印刷物品不特可供國家之取用而報商各界如有願交易者請隨時到廠與營業科接洽庶不至誤至各品價目均係斟酌至當無論何人決不欺飾特此佈告俾衆咸知

黃復生 謹白
彭丕昕

總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民誦謠良用惡焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

● 本報廣告 ●

查公報官報等體裁多於正報而外有號外附錄以爲登載法律命令以外之件如草案電報議會速記錄等類本報開辦依始法制院所訂草案尙未經參議院議決故門類從權暫定茲特於第十一號以後附出號外雜錄各件以備觀覽前者編輯員誤登閩都督府件如有號外附錄則似無此種屬雜之患也

特 白

● 本報特白 ●

本報開辦伊始趕急排印出版手民過於動勞茲定星期一休息一天